

大魏諸州記

十里官道與州中諸官一各置

汾陽趙維況

參

金谿王干謨仁甫輯

潞縣城西三十里有潞河源出北山南流一名鮑邱

水

寰宇記

益州汶山郡平康縣界東北接犍犒有都安縣有交

讓樹兩兩相對歲更牙枯牙生不俱盛

御覽

鉅鹿廣阿澤多葦出細席多雲母

小平津有洞穴鯉魚從穴中出入大者重千斤

每至三月中有鱣魚從穴出入河重千斤色青皮如
鮫魚皮有珠文口在頷下並初學記

隴西郡隴山其上懸溜於中嶺泉亭因名萬石泉泉
溢漫散而下溝澮皆注有人昇此而歌御覽。自此下皆魏土地記

朔方縣有大鹽池其鹽大而青名曰青鹽又名戎鹽
入藥分漢置典官鹽池去平地宮千二百里在新秦
之中

雲中城東八十里有成樂城今雲中郡治一名盧石

城也

雲中宮在雲中故城東四十里

梁山北有龍門山大禹所鑿通孟津河口廣八十步

巖際鐫跡遺功尙存

寰宇記引此云梁山北有龍門山上有禹廟

河東郡北八十里有汾陰城北去汾水三里城西北

隅曰睢邱上有后土祠

弘農胡縣有軒轅黃帝登仙處

治阪城舊名漢祖渡

倉亭津在武陽縣東北七十里

汾陽秀容胡人徙居之立秀容護軍治

晉陽城東有汾水南流

平陽郡治楊縣郡西有汾水南流者是也

平陽城東十里汾水東原上有小臺臺上有堯神屋
石碑

晉陽城東南一百一十里至大嶮山有蔣谷大道度

軒車嶺通於武鄉

穀城縣有穀城山山出文石

盟津河別流十里與清水合亂流而東逕洛當城北

修武城西北二十有吳澤水

建興郡治陽阿縣郡西四十里有沁水南流

路史注引土地

記云陽阿有沁與護澤水合

河內郡野王縣西七十里有沁水左逕沁水城

高城東北五十里有篋山長七里

章武縣東一百里有武帝臺南北有二臺相去六十

里基高六十丈俗云漢武帝東巡海上所築

高城縣東北一百里北盡漂榆南臨巨海民咸煮海

水藉鹽爲業卽此城也

鄴城南四十里有安陽城城北有洹水東流者也

東平舒縣章武郡治故世以為章武故城非也

平城宮西三十里口周塞口者也

代城北九十里有桑乾城

代城西九十里有平舒城

代城西南三十里有代王魚池池西北有代王臺

代城南四十里有飛狐門

代城內有二泉一源流出城西一源流出城北門二

源皆北注代水

代南二百里廣昌城南通大嶺即此

代城東五十里有到刺山山上有佳大黃

代城東北九十里有空頭城

下洛城西南九十里有協陽關關道西通代郡

下洛城西南四十里有潘城城西北三里有歷山山

上有虞舜廟寰宇記引此云潘城三十里有歷山形似覆釜故以名之其下有瞽瞍及虞帝

祠

下洛城西南二十里有雍洛城桑乾水在城南東流

者也

下洛去平城五十里城南二百步有堯廟

下洛城東南四十里有橋山下有溫泉

下洛西北百三十里有大甯城

大甯城西二十里有小甯城

下洛城東北三十里有延河東流北有鳴雞山

如口城在鳴雞山西十里南通大道西達寧州

下洛城東南六十里有涿鹿城城東一里有陂泉泉

上有黃帝祠

涿鹿城東南六里有蚩尤城泉水滿而不流霖雨併

則流注陂泉亂流

代城東二十二里有馬頭山其側有鍾乳穴

沮陽城東八十里有牧羊山下有九十里泉即滄河

之上源也

沮陽城東北六十里有大翻小翻山山上神名大翻

神

牧牛泉西流與清夷水合者也

上谷城北有清夷水西流也

薊城南七里有清泉河

漢魏遺書鈔 五
清泉河上承桑乾河東流與潞河合

薊東一十里有高粱之水者其水又東南入濕水也

薊城東北一百四十里有昌平城城西有昌平河

薊城東北三百里有右北平城

石北平城西北百三十里有無終城其水又南入灋

水

右北平城東北一百一十里有徐無城

徐無城東有温湯

漁陽城南五里有羸山其水西南入涪水

狐奴城西三十里有潞河也

肥如城西十里有濡水南流注逕孤竹城西右合元

水也

海陽城西南有陽樂城其水又西南入於沮水

令支城南六十里有海陽城

黃龍城西南有白狼河東北流附城東北下初學記引此云

狼河附黃龍城東北下

白狼水下入遼也

藍田縣南有嶢關地名嶢柳道通荊州並水經注

代郡東南二十五里有馬頭山趙襄子既殺代王使人迎其婦代王夫人曰以弟慢夫非仁也以夫怨弟非義也糜笄自殺而死使者遂亦自殺史記正義

鹵地東州四十八里有梅嶺初學記

頌陽縣東八千里有駁牛山山下有泉泉競發有一

神牛駁身自山而下飲泉竭故山得名御覽

鹵城東三十八里有枝迴嶺北與高是山連麓接勢

通為高是山寰宇記

黃山在壺關縣東

司馬山在晉城縣北晉代祠此山因以為名

太原郡山有石室方丈寰宇記引作方丈四尺四壁文字篆書

人不能識並初學記引與圖風土記

齊分營州之域置西營邱郡於其城內

盧龍西四十九里有藍山其色藍翠重叠故名之

彭盧水至徒河入海與地平故曰平盧今語訛為彭

盧並寰宇記引與圖風土記

藍田山巔方一里仙聖遊集之所劉雄鳴學道於山

下有祠甚嚴灞水之源出此又西有尊盧氏陵次北

有女媧氏谷則知此地是三皇舊居於此

南易水本名漳水源出三門山寰宇記引此下云西自肥鄉縣界流入

按趙地記云六國時此水名易水埤蒼及水經云洛

水其目不知誰改俗謂山之下地名洛水因經之故

曰洛水燕趙記云其分有三易漳為南易是也並御覽引

後魏風土記

太原郡箕山有許由冢

武訖嶺在長子縣南趙軍戰於長平趙軍敗退秦白

起逐至此名曰武訖嶺

晉末山戎內侵徙壽陽之民於太寧城南置壽陽縣

神農城在羊頭山上山下有神農泉即神農得嘉穀

之所

靈山因趙武靈王葬其上故曰靈山並寰宇記引後魏風土記

陽周有黃帝陵在子午谷山上今冢存路史引風土記

朔方故城太和十年改為沃野鎮至後周又置普樂

郡隋開皇初郡廢又置靈武郡

正始三年尚書原思禮侍郎韓貞撫巡蕃塞以沃野

鎮居南其蘭山口六鎮不齊別置三戍並寰宇記引陸恭之風土

記

漢魏遺書錄



女

山

山

山

山

山

山

山

周地圖記

宜黃應先烈未堂參

金谿王 謨仁甫輯

南渡老子水登巴嶺山南面記大江此南是古巴國

因以為名

史記正義
引周地志

後魏於南郭城中置南陽郡

臨洮郡城後魏太和中築置夷城鎮宅羗要路

並初學記

郁郢城今名尉季城在白馬嶺兩川交口

梁武陵王蕭紀於蒲水口改置邛州南郡邛來山因

以爲名

油江郡楊李二姓各自稱藩於梁至後魏武帝得其地置油江郡西魏於此立隴州

晉義熙末刺史朱齡石率建平人征蜀於東山立

金戍後魏平蜀改爲金水郡

梁武帝太清二年武陵王蕭紀開通外水立青州於

通郡南安縣北後魏二年平蜀三年改青州爲眉州

用峨眉山爲名

後魏廢帝二年於武康郡之陽安縣置資州

順政郡丙穴

一引此云郡有丙山山有穴即丙穴

以其口向丙因以爲

名沮水經穴間而過或謂之大丙水每春三月上旬

復有魚長八九寸或二三日聯綿從穴出躍相傳名

爲嘉魚

一引此下云左太冲蜀都賦曰嘉魚出丙穴

初武陵溪蠻人射鹿

逐入一石穴穴方可容人蠻人如穴見有梯在其傍

因上梯豁然開朗桑果藹然行人翱翔不似戎境此

蠻乃批樹記之其後莫知所處

後漢廢帝置同昌郡屬封統郡

武帝天和四年割巴州之伏虞郡隆州之地於此置

蓬州天味四辛鳴巴州之對與開到於此飲此置
湖陽縣光武所封外祖樊重邑

光武封姊爲湖陽公主

隴山高處可三四里登山東望秦州可五百里日極
泯然墟宇桑梓與雲霞一色其上有懸溜吐於山中
爲澄潭名曰萬石潭流溢散下皆注於渭東人西役
升此而望故鄉莫不悲思其歌云隴頭泉水流離西
下念我行役飄然曠野登高望遠流泪雙墮是此山
也

九隴山昔有神人坐張掖西方山上西射酒泉郡西
金山之白神射得九籌畫此山上遂成九隴因以爲

名並御覽

周山下有周谷本周之采地也

魏賈逵爲令時縣理蠡城

城西北角河水中漏沸方數十丈聲聞數里俗云石
季龍載銅翁仲所沒處水灘漲減翁仲頭髮長與水
齊晉劉裕軍至髻忽沒至今不復出史記云秦始皇
鑄金人十二董卓毀其九爲錢其在者三魏明帝欲

徙於洛陽重不可勝至灞水西停之石虎取置鄴宮
至苻堅又徙長安其一未至而苻氏亂百姓推置陝
北河中於是金狄滅矣

後魏太和十一年分陝縣東界於治壚置嶠縣在治
之郊屬宏農取嶠山爲名

後周明帝二年分長安霸城及姚興所置山北三縣
地始於長安城中置萬年縣理八角街以東屬京兆
尹取漢舊縣名也

郿縣太白山上恒積雪無草木山半有橫雲如瀑布

則澍雨人常以爲候驗之如離畢焉故曰南山瀑布
非朝卽暮

陳倉縣晉末廢苻姚時於縣界置苑川縣後魏大統
十六年移苑川縣入漢陳倉故城復爲陳倉縣

明帝孝昌三年蕭寶夤逆亂關右鴻賓立義柵以捍
賊永安元年於此置北雍州以洪賓爲刺史故俗呼
爲洪賓柵其年又割北地郡之二原縣於此置建忠
郡屬北雍州

泝源縣隴山高處可容百餘家

西王母祠王母乘五色雲降於漢武其後帝巡郡國望彩雲以祠之而雲五色屢見於此漢書上之□□□□也

因立祠焉每水旱百姓祈禱時有驗

鶉觚縣者秦使太子扶蘇及蒙恬築長城見此平原

水淺因欲築城遂以觚爵奠祭乃有鶉鳥飛升觚上

以為靈異因以名縣御覽引此云秦使蒙恬北築長城又於北原築城以觚奠酒而祭有鶉飛止觚上因以名縣今鶉觚原

後魏孝明帝熙平二年析鶉觚縣置東陰盤縣廢帝

元年以縣南臨宜祿川又改為宜祿縣屬隨平郡隸

涇州

鶉觚

鶉觚縣屬平涼郡天寶元年八月改為靈臺縣理即

古密國之地

襄樂縣文帝大統十六年置燕州因築此城後周屬

北地郡

姚萇時立節將軍楊班居黃梁谷其谷西有小谷由

來無水夜中忽有人語就班借車牛十具云欲移徙

我是秋神尋則聲絕班即備車牛十具云門前至明

車濕牛汗乃尋車轍至乾谷忽有水方二百餘步其

水極深不可測冬亦湛然每水旱祈禱有應
梁天寶三年武陵王蕭紀僭號於蜀西魏廢帝二年
平蜀二十一州並入於魏

成都城初張儀築城城屢壞不能立忽有大龜周行
旋走巫言依龜行處築之城乃得立所掘處成大池
龜乃伏於中每出則州境有賊刺史病之

溫江縣本漢郫縣地後魏於此置溫江縣屬蜀郡

白鹿山宋元嘉九年有樵人於山左見羣鹿引弓將
射之有一麕所趨險絕進入石穴行數十步則豁然

平曠邑屋連接阡陌周通問是何所有人答云是小
成都後往尋之不知所在

葛瓚山上有葛永瓚祠永瓚學道於此山

東武山有池出白蓴冬夏帶絲肥美爲一州最是諸

葛菜也

通靈山上有通靈寺因名之

武帝天和四年改齊居爲青城縣因山爲名

彭山縣北四里有治水西有繫龍橋仙人瞿君乘龍
從峨眉山來往以龍繫橋

富樂山甚高廣爲衆山之秀登之望見州內

武連縣南有治山縣人張逸背梁附魏與梁將楊乾

運於此山下大戰大破乾運死者千人恭帝元年收

骸骨併爲一墓死者凡五郡人因改治山爲五郡山

梁置梁安縣屬南梁州武帝天和中改爲黃安縣

晉孝武帝太元中益州刺史毛璩置西城戍以爲扞

防周閔武帝元年又於此置陵州因陵井爲名

仁壽縣本漢武陽縣之東境後魏定蜀於此置普寧

縣屬懷仁郡

晉書地理志懷仁郡仁壽縣

蒲亭縣有鐵山諸葛亮取爲刀器周封宇文度爲鐵

山侯

漢司馬相如故宅在相如縣南二十里其地有相如

坪相傳云相如別業在此宅右西濱漢水藪薄鬱然

其臺各相如琴臺高六尺周四十四步

御覽引此云相如縣有相

如坪相如故宅因以名縣

靈山峯多雜樹昔蜀王鼈靈帝登此因名靈山山東

南有五女擣練石山頂有池常清有洞穴絕微有一

小徑通舊靈山

嘉陵水源出秦州嘉陵因名嘉陵經閬中卽閬中水
靈臺山一名天柱山漢末張道陵在此學道使弟子
王長趙昇投身絕壑以取仙桃長等七試已訖九丹
遂成隨陵白日昇天

涪陵均堤東十三里有石門門東有石鼓清晨扣之
聲遠初學記引此云江中有銅柱灘又均堤東十三里至石門東有石鼓

涪陵江中有銅柱灘昔人於此維舟見水底有銅柱
故名銅柱灘灘最峻急一云馬援始鑄柱於此

銅柱之東有錦繡洲巴士盛以此洲人能織錦罽故

名

旱山上有雲卽雨故諺云牛頭戴旱山晦家中乾穀
莫相貸旁有石牛十二頭一云五頭蓋秦惠王所造
以鎮蜀者山下有石池水多蓴菜

巴嶺之南是古之巴國也

後魏宣武帝正始中城固縣移居壻鄉川
三嶠山上有三峯如覆鼎足也

斗山上下有石穴道家開山經云斗山凡五穴一通
崑崙山一通隴山一通武當山一通青城山一通長

安穴穴中有千年蝦蟆名爲肉芝得而食之壽千歲
山側有白鹿時見焉卽此山也

後魏分漢中郡之褒中武二鄉縣立褒中郡

後魏宣武帝正始中分沔陽縣地置嶓冢縣屬華陽
郡

三松山山有三峯並有長松因名長松山

紫陌坂一名龍如山其山兩頭高狀似龍形故以爲
山名樹多紫栢故華陽國志云梁泉縣東北八十里
有紫栢坂

父子崖有大小石若相懷抱因名爲父子崖其下置
神祠歲終則集境內於此亭祭之水旱亦祈之

帖夷縣後魏廢帝元年置屬帖夷郡

後魏恭帝後二年置武郡於尙安縣

大象二年改梁大縣爲化城以縣南化城山爲名

小巴山之南卽古之巴國其嶺上多雲霧盛夏尤盛
有積雪又有北水源出此山

上廉縣後移還上庸於平利川置吉陽縣後魏改爲
吉安縣

有夫婦携子入山獵其父落崖妻子將藥救之並變
爲三石人故名藥婦山今頂上有石曰父老云古仙
學道於此而藥臼尙存

商洛郡領商豐縣屬洛州

南陽郡西山有五堆連延相接故號五壘山

初學記引此文

云五壘山有五梁漢延相接曰六門堰西三里雍湍召信臣所作也

鉗盧陂召信臣所鑿溉田三萬頃

後魏太和中置東荊州於比陽古城恭帝元年改爲
淮州因淮水爲名

上馬縣本名石馬縣以縣南石馬爲名後訛爲上馬
後魏廢帝三年分房陵東境於今縣東六里置大洪
縣屬光遷國後周保定二年移於今理乃改爲永清
縣

五華山山嶺連屬北接郢州

夏水合瀘水全入漢自漢入瀘水爲七里汙

一統志引此文

作七里汙卽屈原逢漁父與言濯纓鼓枻而去是此
在沔陽北也

漢成帝和平五年分畧陽置清水郡尋廢至永安三

年移於清水城

其城漢時所築也

青澗原與五澗水合流

枹罕即故罕羗侯邑也

湟河郡後魏太平真君十六年置洮河郡屬鄯州

後魏景明三年置石城縣廢帝二年因縣內化隆谷

改為化隆屬澆河郡

漢陰縣鳳凰山即龍子山疊嶂有十二層

並寰宇記

按隋志周地圖記一百九卷唐志周地圖百三十

卷俱不著撰人姓名惟羅莘路史注引作宇文護

造則周宗室上公也然亦別無考証故不入叙錄

今並鈔出初學記四條御覽十三條寰宇記六十

七條又史記正義引周地志一條



沈氏文集卷之五
 沈氏文集卷之五
 沈氏文集卷之五
 沈氏文集卷之五

沈氏文集卷之五
 沈氏文集卷之五
 沈氏文集卷之五
 沈氏文集卷之五

沈氏文集卷之五
 沈氏文集卷之五
 沈氏文集卷之五
 沈氏文集卷之五

沈氏文集卷之五
 沈氏文集卷之五
 沈氏文集卷之五
 沈氏文集卷之五

沈氏文集卷之五
 沈氏文集卷之五
 沈氏文集卷之五
 沈氏文集卷之五

叙錄

隋書陸澄地理書抄二十卷

南齊書本傳曰陸澄字彥淵吳郡吳人也少好學博覽無所不知行坐眠食手不釋卷起家太學博士宋泰始初爲尚書殿中郎遷御史中丞轉給事中秘書監尋領國子博士時國學置鄭王易杜服春秋何氏公羊康氏穀梁鄭元孝經澄謂尚書令王儉曰孝經小學之類不宜列在帝典乃與儉書論之儉自以博聞多識讀書過澄澄曰僕年少來

無事惟以讀書爲業且年已倍令君令君少便鞅
掌王務雖復一覽便諳然見卷軸未必多僕儉集
學士何憲等盛自商畧澄待儉語畢然後談所遺
漏數百千條皆儉所未覩儉乃歎服儉在尚書省
出巾箱機案雜服飾令學士隸事事多者與之人
人各得一兩物澄後來更出諸人所不知事復各
數條并奪物將去以老疾轉光祿大夫加散騎常
侍未拜卒年七十謚靖子當世稱爲碩學讀易三
年不解文義欲撰宋書竟未成王儉戲之曰陸公

書厨也家多墳籍人所罕見撰地理書及雜傳死
後乃出

隋書經籍志曰陸澄合山海經已來一百六十家
爲地理書一百四十九卷澄本之外其舊事並多
零失見存別部自行者唯四十二家今列之於上

山海經二十三卷水經三卷黃圖一卷洛陽記四
卷陸機洛陽記一卷郭緣生述征記二卷戴延之
西征記二卷顧啟期婁地記一卷周處風土記三
卷山謙之吳興記三卷顧夷吳郡記一卷劉損京
口記二卷山謙之南徐州記二卷朱育會稽土地
記一卷賀循會稽記一卷沈懷文隋王入沔記六
卷盛弘之荊州記三卷黃閔神壤記一卷雷次宗
豫章記一卷揚雄蜀王本記一卷譙周二巴記一

卷蓋泓珠崖傳一卷圈稱陳留風俗傳三卷陸翹
鄴中記二卷京相璠春秋土地名三卷宋居士衡
山記一卷謝靈運遊名山志一卷李彤聖賢塚墓
記一卷釋法顯佛國記一卷釋智猛遊行外國傳
一卷交州以南外國傳一卷東方朔十洲記一卷
又神異經一卷楊孚異物志一卷萬震南州異物
志一卷常寬蜀志一卷
卷束哲發蒙記一卷

按此上二十一家內除山海經水經注有專本行
世三輔黃圖十洲記神異經佛國記具載漢魏叢
書外若洛陽記以下諸別部悉分別采入是鈔惟
隋王入沔記韋寬蜀志絕無可考故從闕

陸澄地理書抄

金谿王 謨仁甫輯

襄陽無襄水

筑水會沔水之處爲筑口

袁府君玘造長橋後漢人也晉代周處少時斬長橋
下食人蛟之處其橋有一十二間

按隋志陸任二家地理書抄外有劉黃門地理書
抄十卷今皆亡傳惟御覽寰宇記並引陸氏書抄
三條備錄於此

叙錄

隋書任昉地理書抄九卷

南史本傳曰任昉字彥昇樂安博昌人幼聰敏早稱神悟初爲奉朝請舉兗州秀才拜太學博士歷官太子步兵校尉掌東宮書記梁臺建禪讓文誥多所具轉御史中丞秘書監自齊永元以來秘閣四部篇卷紛雜昉手自校讎由是第目定焉出爲新安太守卒于官著有雜傳二百四十七卷地記二百五十二卷文章三十三卷

隋經籍志曰梁任昉增陸澄之書八十四家為地
記二百五十二卷其所增舊書亦多零失見存別

部行者唯十二家今列之于上三輔故事二卷庾仲雍湘州記二卷

顧夷吳郡記二卷日南傳一卷庾仲雍江記五卷

又漢水記五卷謝靈運居名山志一卷戴祚西征

記一卷廬山南陵雲精舍記一卷劉澄之永初山

川古今記二十卷元康三年地記六卷司州記二

卷并帖省置諸郡舊事一卷

按此上十二家內廬山南陵雲精舍記司州記并
帖省置諸郡舊事三部絕無可考餘俱分別采入
是鈔

梁元帝職貢圖


金谿王 謨仁甫輯

序曰竊聞職方氏掌天下之圖四夷八蠻七閩九貉其所由來久矣漢氏以來南羌旅距西域憑陵劄金城開玉關絕夜郎討日逐覩犀甲則建朱崖聞蒲萄則通大宛以德懷遠異乎是哉皇帝君臨天下之四十載垂衣裳而賴兆民坐巖廊而彰萬國梯山航海交臂屈膝占雲望日重譯至焉自塞以西萬八千里路之峽者尺有六寸高山尋雲深谷絕景雪無冬夏

漢魏遺書金
與白雲而共色水無早晚與素石而俱貞踰空桑而
歷昆吾度青丘而跨丹穴炎風弱水不草其心身熱
頭痛不改其節故以明珠翠羽之珍細而弗有龍文
汗血之驥卻而不乘尼丘乃聖猶有圖人之法晉帝
君臨實聞樂賢之象甘泉寫閼氏之形後宮玩單于
之圖臣以不佞推轂上游夷歌成章胡人遙集欵關
蹶角沿沂荆門瞻其容貌訢其風俗如有來朝京輦
不涉漢南別加訪採以廣聞見名爲貢職圖云爾
贊曰北通元菟南漸朱鳶交河悠遠合浦迴遘茲海

無際陰山接天遐哉鳥穴永矣雞田

按隋志有梁元帝職貢圖一卷唐志不載疑其書
已佚而遂初堂書目乃有梁二十八國職貢圖又
若此書未亡也者然亦別無考証僅從藝文類聚
鈔出序贊二條



出京費一箱

卷四書末言過海者亦無所不備

日將所遺書堂書目八卷果二十八卷

齊制法政錄示條職官圖一卷

無類編目錄

叙錄

隋志顧野王輿地志三十卷

唐志同

南史本傳曰顧野王子希馮吳郡吳人也幼好學
七歲讀五經畧知大指九歲能屬文嘗制日賦領
軍朱異見而奇之十二隨父之建安撰建安地記
二篇長而徧觀經史精記嘿識天文地理著龜占
候蟲篆奇字無所不通爲太子率更令尋領大著
作掌國史知梁史事後爲黃門侍郎光祿卿卒贈
秘書監所撰玉篇並行于世

隋經籍志曰齊時陸澄聚一百六十家之說依其前後遠近編而爲部謂之地理書任昉又增陸澄之書八十四家謂之地記陳時顧野王抄撰衆家之言作輿地志隋大業中普詔天下諸郡條其風俗物產地圖上于尚書故隋代有諸郡物產土俗記一百三十一卷區宇圖志一百二十九卷諸州圖經集一百卷其餘記注甚衆

按隋志顧氏此書實監省陸任二家書鈔集漢魏以來二百十家地理書大成宋初尙有傳本故

太平御覽及樂史寰宇記率多採摭而不著錄於文獻通考則其時已無傳矣今並鈔出史記注二十四條後漢書注四條文選注五條初學記二十八條御覽六十五條寰宇記百九十一條元和郡國志一條一統志十三條路史二條又岳陽風土記一條閑窻括異錄一條

國志一州一縣志十二州制以二州及丹陽郡
 八州制置六十五州置字置百次十一州及味
 十四州制置書四州及制置五州及制置二十
 史制置未領其制以無制置今能出史制置二
 太平制置及樂史置字置字多制置制置不制置

顧野王輿地志

陽湖楊煒參

金谿王謨仁甫輯

周成王時周公作輔定官分職改禹九州以徐梁合
 之於青雍分冀州之域為幽并二州大司徒之法五
 黨為州職方氏掌天下之地辨九州之國保章氏掌
 天文以星土辨九州之地所封之國皆有分星以視
 吉凶秦始皇并天下分置三十六郡三川河東南陽
 南郡九江鄣郡會稽潁川碭郡泗水薛郡東郡琅琊

齊郡上谷漁陽右北平遼西遼東代郡鉅鹿邯鄲上
黨太原雲中九原雁門上郡隴西北地漢中巴郡蜀
郡黔中長沙凡三十五與內史爲三十六郡郡各領
縣縣萬戶已上爲令減萬戶爲長平百越又置四郡
閩中南海桂林象郡合四十郡郡置一守一丞兩尉
以典之監侍御史掌監諸郡漢有天下王侯郡國並
置焉迄於平帝戶口繁息凡新置郡國六十七與秦
三十六合一百三改周雍州曰涼州復置夏之徐梁
二州而改梁曰益北置朔方南有交阯別置二刺史

凡十三部涼益荆揚青豫兗徐幽并冀十一州交阯
朔方二刺史合十三部刺史十三人各長一州初學記
涿鹿本名彭城黃帝初都遷有熊

餘姚舜後支庶所封之地舜姚姓故云餘姚縣西七
十里有漢上虞故縣

零陵郡應陽縣東有山山有象廟
笄頭山卽雞頭山

以周地在王城東故曰東周敬王避子朝亂自洛邑
東居此以其廼不受王都故壤翟泉而廣之

此小號文王母弟號叔所封故曰西號

秦立為縣城臨淄水故曰臨淄

五嶺一曰臺嶺亦名塞上今名大庾二曰騎田三曰

都龍四曰萌諸五曰越嶺

成周之地秦莊襄王以為洛陽縣三川守理之後漢

都洛陽改為雒漢以火德忌水故去洛旁水而加佳

佳於行次為土土水之忌也水得土而流土得水而

柔故除佳以加水

秦為丹水縣

紫泥水在成州漢封詔璽用紫泥則此水之泥也

楚滅邾遷其人於江南因名縣

秦時已有南北宮

秭歸東有丹陽城周迴八里熊繹始封也

越侯傳國三十餘葉歷殷至周敬王時有越侯夫譚

子曰允常拓土始大稱王春秋貶為子號為於越杜

註云於發語聲也

交趾周時為駱越秦時曰西甌文身斷髮避龍

平都縣在今新興郡陽周縣相近

鄒城西界闕里有尼正山

宋共公自睢陽徙相子城又還睢陽

蕭徐州縣古蕭叔國城也

南武城縣魯武城邑子游為宰者在泰山郡

蒯城縣故陳倉縣故鄉聚名也周所封也晉武帝

咸寧四年分陳倉立蒯成縣屬始平郡

厭次宜是富平縣之鄉聚名也

並史記注

七里灘在東陽江下與嚴陵瀨相接有嚴山桐廬縣

南有嚴子陵漁釣處今山邊有石上平可坐十人臨

水名為嚴陵釣臺

交趾其夷足大指開析兩足並立指則相交

並後漢書注

益州陽泉縣蜀分綿竹立

宋以鍾離置徐州齊以荊州為北徐州

桐廬縣吳分富陽之桐廬溪也

自入湖三百三十里窮於松門東西四十里青松徧

於兩岸

江南數郡有畜蠱者王人行之以殺人行食飲中人

不覺也其家絕滅者則飛游妄走中之則斃

並文選注

宋文帝時青州城南地遠望倒影如水謂之地鏡
晉咸和二年置高昌縣立田地縣

南兗州宋元嘉八年始割江都
為境居於

廣陵

廣陵郡楚漢之際為東陽郡

楚名曰巢邑

安陸縣東有新城桓溫征石季龍所築南臨涓水

臨江數十里象山上有城吳江夏太守所居也

臺當孫陵曲衍之傍故蔣陵亭亦名孫陵亭

蔣子文為秣陵尉常自言已將死當為神後為賊所

殺故吏忽見子文乘白馬如平生孫權發使封子文

為都中侯立廟鍾山因改為蔣山
寰宇記引此云蔣山古曰金陵山縣

之名因此立漢輿地圖名鍾山吳大帝時有蔣子文發神異於此封子文為蔣侯故曰蔣山

松江東瀉海口名曰扈濱扈業者濱海漁浦之名插

竹列於海中以繩編之向岸張兩翼潮上即沒潮落

即出魚隨潮礙竹不得去名之為扈

海濱廣斥鹽田相望吳煮海為鹽即鹽官縣境也

洮湖即長塘湖

歙縣靈山甚高峻有圓石高數丈上有石蓋

黟縣南有五碛二礫兩邊皆壇石中央有溝裁五尺

許水甚懸迅

黟縣東有靈山山有三峯各為三姑山三年一遇野

火自燒百姓放火輒降雨不然

邢城賀齊所創也

山陰南湖縈帶郊郭白水翠巖互相映發若鏡若圖

故王逸少云山陰道上行如在鏡中遊

樓石山三石並高百丈抄如劍鋒

豫章西山時有夜光遠望如火氣此為銅之精光也

豐城縣獄後有雷孔章掘神劍窟方七八丈

歸美山有石城高數丈有二石夾左右石形似松儼

如雙闕

夏口江中有鸚鵡州

橘洲在郡南對南津常看如下及至夏水懷山渚洲

皆沒橘洲獨在

臨武縣山有熱石置物其上立焦

馬嶺山有仙人蘓耽壇耽至孝一朝忽辭母曰受生

漢魏遺書錄
應仙當違供養涕泗嗚咽百姓立壇祠之
龍谿謂之盤龍蛇青黑色赤帶錦文隨瀆漢水而入
於海有毒傷人輒死

從餘姚至海三百里過温麻江有一江名靈江

廣信縣之壽鄉有孤崑崑有珽石石皆五色

後漢周敞爲交阯刺史伐龍山木以爲鼓以下分鼓

給桂林郡上分鼓給交阯郡擊一鼓則二鼓皆鳴並初

學記

太湖東小山名洞庭絕石礮巖木唯松柏山有三穴

東頭北面一穴不容人西頭北面一穴亦然並有青
泉流出西北一穴偃僂終得如穴外石盤礪形勢驚
人穴裏如間堂屋上高丈餘恒津潤四壁石色青色
南壁開處側肩得如潛行二道北通琅琊東通武
縣西通長沙巴陵湖吳大帝使大夫行三十餘里而
返云上聞有浪聲有大蝙蝠如鳥拂殺人太穴中高
處火照不見穴有鵝管鍾乳水寒可得入春夏不可
入

蔣山舊名金陵山因此山立名金陵

九峰山山高一千丈

牛渚山首有人潛行云此處連洞庭旁通無底見有

金牛狀異為精怪而出牛渚山此謂之採石按今對

採石渡口上有謝將軍祠

靈山高峻有圓石高數丈上有石蓋

俗傳黃鶴樓

寰宇記引作萬歲樓

飛向江外以鐵鎖縻之方已

華山上有石鼓晉隆安中鳴乃有孫恩之亂山在縣

西六十三里

山上有兩湖如左右目故名天目也山極高峻上多

美石泉水名茶

金華山連亘三百餘里

東陽畢嶺之下有錢嶺往往人於嶺下獲大錢今俗

謂之錢嶺

奉新縣西有石臨水高三十丈有書字為印山此即

是也

江水入富池一百八十里得奉新上流三百里有城

山三面壁立一面峻極水是奉新大源本名石城山

贛縣黃堂山有石室數千間

寰宇記引此云黃唐山右行六里有石室口方

八尺如屋上通天窻下有方場有二十一作人巾櫛數十間而坐傍有小石室七所相通適一作悉有石人室前時有車馬跡春夏草不生無諸毒蟲林木繁茂水石幽絕蓋靈仙窟宅也山下居人每丙日輒聞石室有笳鼓簫樂之音水高三十丈儲潭咸和二年刺史朱偉所立常有漁者釣於此潭得金鎖索引舟中長數百丈忽一物隨鎖而來其形如水牛眼赤角白及見人驚駭拽走而漁以刀斷得數尺不知其所由然也

虔州上洛山多木客乃鬼類也形似人語亦如人遙見分明近則藏隱能斫杉枋聚於高峻之上與人交而木易人刀斧交關者前置木枋下却走避之木客尋來取物下枋與人隨物多少甚信直而不欺有死者亦哭泣殯葬嘗有山人行遇其葬日出酒食以設人山中有石墨可書石室其石以會稽秦望山始皇刻石前有石廣數丈云是始皇坐之石兩邊有坐方八所云是丞相已下坐石故今有丞相石之名

南陵縣有女觀山俗傳云昔有婦人夫官於蜀屢愆秋期憂思感傷登此盼望因化爲石如人之形所牽狗亦爲石今狗形獨存
贊皇縣有孔子嶺上有石室寬博其石相拒若楹柱有石人象執卷之狀
秦始皇巡會稽鑿斷山阜此淮卽所鑿也故名秦淮孫盛晉春秋亦云是秦所鑿王導令郭璞筮卽此淮也又稱未至方山有直瀆行三十許里以地形論之淮發源詰屈不類人工則始皇握宜此瀆也

淮水發源於華山在丹湖姑孰之界西北流經建康寰宇記秣陵二縣之間縈紆京邑之內至於石頭人作建業江懸流三百許里

穀江其水波瀾交錯狀似羅縠之文因以爲名

霅水亦若水之異名也水深不可測俗謂之霅水

紫溪水紫色也

紫溪中央水有赤色盤石長百餘丈望之如霞名曰

赤瀨水

安城有蜜湖中有絲蓴鯽魚爲時所重并有石窟容

百人坐其魚味甘如蜜因此爲名在縣東二十里
練塘陳敏所立遏高陵水以溪爲後湖

伍子胥叛楚出關於江上見漁父求渡時傍多人漁
父歌曰灼灼乎侵已私與子期乎盧之漪子胥既渡

解百金之劍於漁父漁父曰楚購子粟五萬爵執圭
豈百金之劍乎子胥曰勿令其露漁父知意遂覆舟

而死其處是羅洲水路去洲一百九十里一統志引
輿地志蘆

洲在武昌縣
西三十里

烈洲吳舊津所內有小水堪泊船商客多停以避烈

風故以名焉王濬伐吳宿於此簡文爲相時會桓元

之所也寰宇記引作會稽
王昱會桓溫於此亦曰栗洲洲上有山山形

似栗伏滔北征賦謂之烈洲路史餘論引此云烈山
吳之舊津內有小永商

客停舟以避烈風而名亦
曰栗洲非古之烈山也

吳時客館在蔡洲上以舍遠使蕪峻作逆陶侃等率
所統同赴京師直指石頭次於蔡洲是也

張公洲在縣西南

和子洲在縣西南

梓澤在王城西北三十里與金谷相近

新蔡縣平侯自上蔡徙都之故曰新蔡
百紐地名夏禹所生之地

晉永嘉之末太守王鑒以地降李雄晉人因是悉流
移於蜀漢其氏荒並屬楊茂梗化後不復爲正朔所
頒

梁大通三年於此置渠州

晉宋以義陽流入在南郡者立爲南義陽郡寄荊州
梁昭明太子以其水出魚美故言其水爲貴池

梁大同二年置石埭因貴池源有兩小石埭堰溪水

遂以爲名

曲阿縣屬東南徐之境秦使官吏因東南有王氣在

雲陽故鑿北岡截直道使曲以壓其氣故曰曲阿寰宇

記引此文云曲阿縣雲陽地屬朱方南徐之境秦有
史官奏東南有王氣在雲陽故鑿北岡截其道以壓
其氣

晉陵縣春秋時延陵也季札讓位耕於此因以封之

漢改爲毗陵東海王越世子名毗中宗爲越所表遣

渡江故改此爲晉陵

丹徒界內土堅緊如蠟諺云生東吳死丹徒言吳多

產出可以攝生自奉養丹徒地可以葬

吳越之間謂荆為楚秦以楚改為陽羨其地本名

小震居在荆溪之北故云陽羨

吳大帝以陸遜為華亭侯以其所居為封也華亭谷

出佳魚蓴菜故陸機云千里蓴羹未下鹽豉寰宇記引此云

吳大帝以漢建安中封陸遜為華亭侯即以其所居為封谷出嘉魚蓴菜又多白鶴清唳故陸機嘆云華

亭鶴唳不可復聞

順帝時陽羨人周嘉上書請分浙江已西為吳郡東

為會稽郡

邑人以其海中物產於山下鄞村因名鄞縣

永嘉郡本會稽東部地晉明帝大寧元年分臨海等

縣立永嘉郡

松陽縣本章安南鄉漢宋建時立為縣

後漢獻帝初平三年分太平寰宇記作大末縣立新安縣晉

大康元年以宏農有新安改名為信安

大茂秦漢為大末縣令龍邱乃春秋東陽大末縣是

也

丹陽郡建康縣文德殿梁武帝移張衡渾天儀置北

殿
建康縣臺城華光殿梁武帝大通中施與草堂寺人
洗取諸貨直百萬以其地起重閣九間
建康縣臺城寶雲殿梁武帝以施佛寺
建康縣臺城惠輪殿梁武帝亦供養佛
建康縣臺城齊文惠太子治元圃有明月觀婉轉橋
徘徊廊圃內作淨舍
秣陵縣新亭隴有遠望樓又名勞勞樓宋改為臨滄
觀行人分別之所

新安郡新治縣西十里有大宰殿晉武陵王晞為大
宰桓溫詐言其反新安大立第於葬地側後喪還都
今空冢在

洛陽有顯揚殿皇后正殿也

洛陽昭陽殿魏明帝所治在太極殿之北鑄黃龍高

四丈鳳凰二丈置殿前

洛陽有廣望觀閭風觀萬世觀修靈觀臨觀百葉

樓魏築總章觀建翔鳳於其上使八方材人六宮女

尚書居之引谷水過九龍殿前玉井綺欄水轉百戲

洛陽西南洛水上有鼎中觀是成王定鼎處
石虎起靈臺九殿女官十有八等又女妓二千爲鹵
簿皆著紫綸巾熟錦袴金銀縷帶五紋織成靴遊於
戲馬觀

東南白沙有龐士元宅於漢水之比司馬德操宅於
漢水之南隔魚梁州街對於歡情自接每至相思則
褰裳涉水

梁蕭正德爲郡太守爲蕭將莫知所在
琵琶圻有古墓半在水中甃有隱起字云琵琶筮云

吉龜云凶八百年墮水中謝靈運取甃至京師諸貴
傳觀之

漢時王朗爲會稽太守子肅隨在郡任東齋中夜有
女從地出稱越王女與肅語曉別贈一丸墨肅方注
周易因此才思開悟

齊武帝起層城觀七月七夕宮人多登之穿針世謂
之穿針樓

並御覽

倉垣城南臨汴水西北有倉頡墳城有列仙臺
洛陽城外有陽渠水卽周公所置池上源注函谷東

流注城西北角仍分流繞城至建春門外合流折東
流注於池

垣縣邵康公之邑春秋注云邵康公周大保召公奭
也

夷門之下新里之東浚水之比象而儀之以爲邑名
汴水自滎陽受睢水東至陳留彭城南入泗水經縣
界入雍邱界

漢高祖使樊噲下圍城爲縣屬宋州今故城存

酸棗縣西有韓王望氣臺

金水始自大白原東南經金谷卽此原也

籠水古名孝水齊有孝婦顏文姜事姑孝養遠道取

水不以寒暑易心感得靈泉生於室內文姜常以絹

籠蓋之姑怪其須水卽得非意相供姜不在私人姜

室去籠觀之水卽噴湧壞其居宅故俗亦呼爲籠水

緱氏因山以名縣漢屬河南莽曰中亭至宋獨屬河

南

山桑漢舊縣屬沛光武封王常爲山桑侯今城內有
亭墓陵阜高峻

魏以鄆縣屬譙郡漢封蕭何爲鄆侯

徐州郡城由來非攻所能拔言其險固也

垞城古崇國兗州人謂實城中曰垞城西南有崇侯
虎廟

季札初使魯比過徐徐君好其劍不敢言季子心知
之爲使上國未還及還徐君已死解劍懸於墓從者
曰尙誰與乎季子曰吾心許之豈以死背吾心哉

漢盱眙屬下邳晉初又屬臨淮郡晉義熙中又置盱
眙郡宋文帝時後魏南侵臧質守盱眙魏師以數十

萬衆攻圍三旬不拔而退

陵縣

虹縣堯封夏禹爲夏伯邑於此卽天子位徙都陽翟

漢爲夏邳縣屬沛國

魏武帝至龍亢士卒多叛

反踪城魏明帝景初三年以遼東新沓縣吏民渡海
來去還於此地置新沓縣以居之屬齊郡

齊城西南百五十里有長白山陳仲子夫妻所隱處
華不注山一名金輿山

宋泰始三年失舊沂州至五年於朐山東北僑置沂州至泰豫元年移朐縣就沂州後周建德六年改沂州爲朐州

漢舊朐縣今海州是也宋泰豫元年移朐山縣於廢沂州

晉惠帝元康八年復立昌陽縣屬長廣郡

金氏陂在下邳縣東二十里漢昭帝時車騎將軍金日蟬有功賜其地

陽平之莘有衛宣公二子爭死處今有祠存

盧奴城北臨澠水南面派河杜預謂管仲城是也

南皮有迎河分漳河入浮水

毛河漳水合分從毛州來又呼爲棣州河

浮陽城南有大連淀魏延興二年淀水溢注破作清

邨因以爲池池內時有鯢魚言與海潛通

漢宣帝封河間獻王子雍爲景城侯五子分居城中

俗呼爲五壘城

木門古城中有大樹因名木門

馬馬河亦馬頰也爾雅九河言馬頰上濶下狹狀如

馬頰也

滹沱河在今河間縣西二十里

鄭縣有韓嬰冢韓嬰燕人漢爲常山大傅作詩內外傳

易縣加夷城有坑濶三丈深五丈俗呼爲滕子窟

清苑縣樊輿城西南隅有聖女祠女姓薛字義姜鉅鹿人嫁與樊輿王文妻死於此城之隅就而祭之俗名祭隅城漢元帝初元三年有天淵玉女鉅鹿仙人者是也

老子祠卽老子所生舊宅老子者道君也三皇之始乘白鹿下託於李母鍊體易形復命胞中七十二年生於楚國李母星名也在斗魁中老子星精也爲人黃色美目面有壽徵黃額廣耳大目疎齒方口厚唇額有三五達理日角月角鼻有雙柱耳有三漏足蹈二五手把十文十二聖師各有三法凡三十六法夫齊東有卽墨之饒南有泰山之固懸隔千里齊得十二焉此得東秦之地

古汶陽城漢舊縣王莽改曰汶亭

向水南至海夜頭向水之異名

鴨陵楚之邊邑平王封太子建之子勝白公因居焉
壺關有雞鳴嶺

漢末北地郡但有泥陽富平二縣魏晉亦然晉愍帝
時陷入劉聰郡縣之名所不詳悉

晉人流寓於蜀者仍於益州立陰平郡

後漢安帝置益州廣漢嘉州是爲三蜀嘉州見在川

中故名蜀川

鄧艾廟南有牛卽秦惠王遺蜀王者

石門在褒中之北漢中之西今按其山兩邊有石壁
相對望之如門鄧艾伐蜀至此

北固山天景清明登之望見廣陵城如在青霄中相
去鳥道五十餘里

吳自有延陵州來此先已封季子非楚王來邑也

曲阿出名酒皆云後湖水所釀故醇冽今按湖水上
承丹徒高驪覆船山馬林溪水水色白味甘

金壇縣秦漢屬會稽郡後漢屬吳郡晉元帝時屬毗
陵郡宋齊梁陳皆爲延陵之南界

晉故臺城卽成帝時蘇峻作亂焚燒宮室都盡温嶠
以下咸議遷都惟王導固爭不許咸和六年使下彬
營治七年遷於新都議者或患未築雙闕後王導出
宣陽門南望牛頭山指山鑿兩峯相對東西各四十
里導曰此卽天闕也又引志云牛頭山有兩峯時人
號爲牛頭山晉氏過江將立雙
闕王導出宣陽門南望牛頭
山兩峯曰此卽天闕是也
慈姥山南有慈姥神廟焉

三山積石濱於大江有三峯南北接故曰三山舊吳
爲津所

白都山昔有白仲都於此山學道白日飛昇因以爲
名西臨大江孫峻追諸葛恪子竦於此

梅嶺岡在國門之東晉豫章太守梅賾家於岡下故
民名之

婁湖婁侯張昭飲名之宋以爲苑

長命洲梁武帝遣人放生於此洲仍置十戶在洲中
掌穀粟以飼之故呼爲長命洲魏使李恕來朝帝正
放生問使曰比主頗知此乎恕對曰本國不取亦不
放帝無以應之

晉永嘉中帝初通江南以江外無事寧靜於此因置
江寧縣南門臨浦水至今呼江寧

雞籠山狀如雞籠以此爲名晉元帝等五陵並在山
之陽

湖孰西北有方山頂方正上有池水齊武帝於方山
築苑吳大帝爲仙者葛元立觀焉

江乘縣西北有扈謙所居宅村側有攝山山多藥草
可以攝生故以名之

清溪水源北出於鍾山舊經巴南九里入於淮溪口

其埭側有清溪祠其溪因祠爲名又云按水爲言故
名清溪

元武湖在上元縣西北七里齊武帝理水軍於此池
中號曰昆明池故沈約登覆舟山詩云南瞻儲胥館
北眺昆明池卽此其湖通後苑又於湖側作大寶引
湖水入宮城內天泉池中經歷宮殿湖流迴轉不舍
晝夜宋元嘉末有黑龍見湖內故改爲元武湖也

梁天監十三年以朱雀門東北淮水紆曲數有患又
舟行旋衝太廟灣乃直通之中爲舟子洲四方諸郡

秀士上計憩止於此

丹陽郡本吳地楚漢之際江淮之間溧陽以北皆屬
荆王賈英布吳王濞江都王並有其地元封二年以
爲丹陽郡領宛陵於潛江乘壽春秣陵故鄣句容涇
石城湖孰陵陽蕪湖黟溧陽宣城歙丹陽凡一十七
縣理於宛陵

晉安帝義熙十年築東府城西本簡帝爲會稽王時
第其東則丞相會稽文孝王道子府謝安石薨以道
子代領揚州第在州東故時人號爲東府而號府廡

曰西州

晉成帝咸康七年分江乘縣立臨沂縣屬琅琊郡
臨沂縣本南徐州之屬晉則諸葛恢宋則臧燾梁則
孟智明周則曾結之子仲璋傅彝並爲臨沂令以後
無聞晉大保王導羣宗並其縣人

宣武城宋大明三年沈慶之所築費百二十萬帝疑
其多對曰攻守百倍帝乃令慶之守此城帝自率六
軍攻不能下乃止

宋立宣武爲城名帝閱武於其地亦謂爲武帳岡

梁大通三年分建康之同夏里置同夏縣陳平毀之
故白下縣城本江乘縣白石壘齊武帝以白下地衣
帶江山移琅琊郡居之

輔公祏城在上元縣東七里輔公祏齊文惠太子之
弟也唐武德七年輔公祏築以爲城趙郡王孝恭平
之其城遂廢

宣州溧水縣有獨山下有獨水流演不息

御亭在吳縣西六十里吳大帝所立梁庾肩吾詩云
鄉亭一回望風塵千里昏卽此也

鳴城東吳王牧鳧鴨之處

吳築大伯城梅里平墟此地自大伯以下至王僚二
十三君公子光刺王僚卽此城內有大伯宅井及堂
基見在

楚考烈王封黃歇爲相賜灌北一十三城後以其地
邊齊請以爲郡更以江東故東吳邑封之今歷山下
春申君祠去城三里古道通黃城

國山本名離里山山有九峰相連亦名九斗山亦名
升山吳五鳳二年其山有大石自立高九尺三寸大

十三圍三寸歸命後又遣司空董朝大常周處至陽羨封禪爲中嶽改名國山明年改元爲天紀大赦以叶石文石今見存

石蘭山斗入大湖五里有兩岍南曰大蘭山北曰小蘭山相連二里

小杯山在長塘湖中水底有石堂上有獸跡水乾乃見北流入圻溪

金礪承小心山泉礪中沙石時有炯炯色如金以此爲名流入慈湖溪

晉元帝割丹陽永平縣爲平陵縣

栗山下有飛泉二里石杵濶二丈長一丈四尺吳大帝刻爲黃武二年歲在戊午八月三日十一字餘俱漂沒微芒石見在

金牛山昔吳楚之間金牛出自毘陵奔來此山而沒因名之

西奈山在烏程縣東一十八里漢文帝封東海王搖之子期視爲顧余侯至孫坐醜金失國卽此地也銅官山下有兩坎深數丈方圓百丈古採銅所

嶠山蓋古防風氏之都也

石郭山昔吳採郭山銅以鑄錢卽此山

箬溪者夾溪悉生箭箬南岸曰上箬北岸曰下箬二
箬村各村人取下箬水釀酒醇美勝於雲陽俗稱箬
下酒

長興南鄉有餘甍水以餘甍村名之

邸閣溪昔吳王夫槩臨水起邸閣因而名之

桐廬有嚴陵山境尤勝麗夾岸是錦峯繡嶺卽子陵
釣臺縣南大江側臺下連七里瀨

壽昌縣有天井山將各雨嶺上輒有鐘鼓之聲

山陰郭西有蘭渚渚有蘭亭王羲之所謂曲水之勝

境製序於此

大尉泉

水經注云若耶溪東方數丈冬溫夏涼漢太尉鄭宏宿居潭側因以名泉鄭宏雖

在左輔常思故居及疾困思得泉水家人特往取之

飲少許便差

雷門句踐應門之上有大鼓名之爲雷鼓以威於龍

也

漁浦湖舜漁處

蘭風湖葛仙所棲隱處

吳赤烏八年分烏傷永康縣置武成縣

天台縣吳初置爲南始平縣晉太康元年改曰始豐
晉穆帝永和三年分始豐南鄉置樂安縣

會稽郡之東境後漢永和三年置永寧縣晉明帝以
溫嶠嶺以南分永陵等四縣置永嘉郡

後漢光武帝改爲章安縣吳曰羅陽後改爲安陽至
晉太康元年改爲安固縣因界內安固山爲名

永康縣南忠義村下有石亭長二十里有縉雲堂卽

二天子都也

惡溪道間九十里而有五十九瀨兩岸連雲高巖壁
立

侯官縣南百餘里海邊有月嶼出海蛤海邊又有越
王石常隱雲霧相傳云唯清廉太守乃得見

吳永安二年空中聞人聲於建安立廟令人平居泰
吉五穀豐登常祈祠有福因而立廟號冥聲廟

吳興郡安吉縣南界道旁有小井乃是孔夫子入吳
時鑿此井

赭圻下流十許里有戰鳥圻孤立江中本名孤圻山
昔桓溫駐赭圻恒懼掩襲此圻宿鳥所栖中霄鳴驚
溫謂官軍至一時驚潰既定乃羣鳥驚噪故相傳謂
戰鳥山
牛泉嶠通故廣陽縣自下上至山頂九里一頓凡九
頓山常風樹至合抱而高不至丈當頂有泉方濶丈
餘俗云牛跑所至亦云虎跑泉

黥帥陳僕危歷山今山下有僕城里俗說每社日僕
則遣人掠村社酒肉人苦之遂於社之明日爲社至

今以爲常式

黥縣北緣嶺行得譙貴谷昔土人入山行七日至一
斜穴廓然周三十里地甚平沃中有千餘家云是秦
時離亂人人此避地

博望梁山東西相對隔江如門相去數里謂之天門
山亦曰峩眉山宋孝武詔曰梁山層岫雲峙流聞海
岳天表象魏以旌園形仍以二山爲立闕故曰天門

焉
南陵縣舊置戍

武林城吳大帝所築

吳帝南渡之初於古丹陽城置定陵縣

九華山舊名九子山其山面有峯千仞壁立周迴二

百里高千丈出碧雞之類

陵陽令竇子明於溪側釣魚偶一日釣得白龍子明

憐而放之後數年又釣得白魚割其腹中乃有教書

子明燒煉食餌之法三年後白龍來迎子明遂得上

昇其溪環繞山足今有仙壇醮祭不絕

故鄣郡吳帝時屬丹陽景帝時改爲古鄣郡晉太康

三年置州城時帝杜皇后諱楊遂改爲南陵縣綠山
爲名

徐孺子臺在南昌縣東湖小洲上郡守陳蕃所立

齊城在州東陸路二十里吳大帝太元二年立孫奮

爲齊王都武昌諸葛恪執政徙奮居於此

州城南雙角闕吳五鳳二年太守張俊築高四丈餘

後漢建安中初立富城縣於富水之西因以爲名至

晉太康元年改爲豐城縣移於豐水之西乃以爲名

汝南上蔡人分徙於建城孫吳又置陽樂宜豐二縣

晉武帝太康元年以上蔡人思本土改爲望蔡縣
漢永元中置東安縣在銀城陳天嘉元年嘗廢
覆笥山上有石井通泉口廣一丈高七丈中有石笥
貯玉牒云是王孝子所著書山上有平湖湖中有石
雁耆舊相傳云秋雁銜蘆春鴻遵渚則飛鳴頡頏若
候節焉

葛姥者漢末避黃巾賊出自交趾資財巨萬僮僕數
千於此築城爲家沒後有靈異人立祠祈禱
穀山其上有石如人形有池生魚鼈山臨穀水因以

爲名高一千五百丈不通人行

廩山下有湖水中五色鯉山高一千五百五十丈
晉永嘉四年羅子魯於傷山峽堰斷爲陂從此灌田
四百餘頃梁太同一二年廢時人以傷非善徵乃改爲
昌山

玉女岡去州西陸路九十里東六十里其塾天氣若
雨卽湧出石間霏微有雲霞氣百姓咸云玉女披衣
又名玉女塾

後漢和帝分新淦縣爲石陽縣屬豫章獻帝割屬廬

陵郡

後主分新淦石陽兩縣置巴邱郡

漢時南昌郡都尉理新淦縣城莽改曰偶亭

東昌縣吳後主置

後漢獻帝立遂興縣吳大帝改曰新興晉武帝復爲
遂興以在遂水口故爲名

西昌故城漢時爲廬陵縣屬豫章後改爲西昌縣

廬陵故城從後漢興平元年分豫章郡置廬陵郡晉
太康中移郡於石陽故城尙在

蹲山上有風窟線繞百餘步無草木每有風出飛陽
沙塵

掣村沒於龍陂卽王水也

平都四鄉水源山青山會於王溪下有龍陂昔有女

子以樟樹花沉以後出更生水

浮墩下有古人作石羊獅子尙存

安成郡晉惠帝元年太守朱居所築凡濶八里而置

八門卽此城

苻■墓是卽表兄之子徙於安成郡太元中表年十

六母姜氏疾數年表不忍見將盡一痛而絕太守爲
邱墓於四望墩之南

平都縣前漢爲安平縣屬豫章王莽改曰安寧和帝
更名平都以屬廬陵郡吳屬安成今故縣猶存

安福縣漢時爲安成縣本新茨屬長沙豫章太守賈
萌與安成侯張普興兵誅王莽普乃背約詣莽自陳
萌遂伐普於新茨之野新茨今在安成郡安福縣是
吉陽城吳後主二年立

興平縣孫策立

太原郡梁武帝置屬潯陽領晉陽天水和城三縣
天水縣梁武帝置以擬西水縣

和城縣江左立屬汝南郡齊之廬江南頓亦有和城
屬太原郡

晉陽縣梁武帝立屬太原郡
陳武帝割建昌豫寧永修艾四縣爲豫寧郡

江夏郡有沙羨縣吳時置督將於魯山吳記云孫權
擒江夏太守黃祖於沙羨以程普爲江夏太守

雲夢之南是爲鄂渚

吳造峴孫權於樊口被風破船鑿樊嶺而過因以爲名
漢舊鄂縣屬江夏吳改爲武昌晉太康年復立鄂州此縣廢矣

龍亢縣舊屬譙國周大象元年拓定江淮併入歷陽依舊爲龍亢縣

皖公山神在懷寧縣西北二十里云周大夫皖伯之神也

東關口有踟躕山昔岷箕也春秋傳曰楚子觀兵於

岷箕上此是也

巢湖西北至合肥界湖東四十里東南有石梁鑿山通水其名關口相傳云夏禹所鑿一號東興本屬和州亦隸巢縣高峻險峽實扼要之所天下有事必爭之地吳魏相持於此南岸吳築城北岸魏置柵嘉平四年諸葛恪於東關作大堤遏巢湖左右依山峽築兩城留千人使全端晉畧守之魏遣諸葛誕胡遵圍東關將壞其堤諸葛恪率衆四萬大破之遂退走梁末於光城置光州後魏又爲弋陽郡北齊置南郢

州後周又改爲息州

高齊後弋陽郡又爲新蔡郡改平輿縣爲南弋陽縣
武平元年改南弋陽縣爲定城縣

晉帝立茹由縣宋文帝元嘉二十五年復立茹由縣
屬弋陽

馬頭城其界卽當塗山國之舊城元屬豫州宋屬徐
州齊因之梁大通元年刺史劉公茂移居新城茲遂
廢

當塗縣三國時荒廢

塗山卽夏禹所娶塗山氏之國也

塗山有神廟前盤中夾汚邪容水每乾涸若祭祀者
至其水輒隨出隨人多少給用祭祀還則無

宋明帝於淮南立梁郡領北譙縣於故曲陽地北譙
蒙城二縣屬焉

梁武帝克壽春置豫州立梁南梁西汝陰武安四郡
於城中置淮南州城也

芍陂在安豐縣一百步崔實月令云孫叔敖作期思
卽此故漢王景爲廬江太守重建起之境內封給濟

梁之代多屯田於此
白土埭史宗所居卽蓬萊山寄書者

魯山臨江盤基數十里山下有城卽吳江夏太守所
理之地

義陽有三關之險謂平靖等關是也其武陽黃峴二
關在安陸郡應山縣界北接陳汝控帶許洛宋齊已
來嘗爲邊鎮

按河南及巴陵昆陽並有丙穴水出嘉魚
魏置魏興郡領洵陽等六縣於此

梁武帝以興郡爲南始平郡復有武功武陽二縣仍
屬南雍州

永安宮西有南鄉峽峽西八十里有溪溪中有靈壽
木此卽是龍洞溪善釀酒之村也

晉太康元年分巫秭歸縣置建平縣後改爲大昌縣
屬建平郡

富川漢舊縣屬蒼梧郡吳黃武五年改爲臨賀縣郡
有富水因爲縣名

隋開皇九年東萊公王景巡撫分興安爲二縣西爲

桂嶺屬臨賀郡

梁武帝割廣州新寧一郡立新州為信安郡

端山有樹冬榮其子號曰猪肉子大如盃

貴州故西甌駱越之地秦雖立郡仍有甌駱之名

梁武帝以鬱林郡為桂州後割桂州之鬱林寧浦二

郡立定州

南人謂滑石為骨石也土人皆以骨石燒為器用以

烹魚鮓亦號為五侯燠石火爛則可兩三熟

愛州移風縣有潮雞鳴且清初學記引作如吹角潮

鳴長且清

至則鳴一名林雞其冠四開宛如芙蓉

漢陽縣河口北岸臨江水有却月城並寰宇記

無陽縣本在無水之陰後漢省入辰陽縣元和郡縣志

吳時有女子居樟木下木大數十圍孫皓造宮室令

人伐木斧斤莫克丁夫苦之為祝之曰汝今且去他

時更生故山及水皆以是得名山下有更生夫人廟

在安福縣西南百五十里

安吉州東廩山吳大帝嘗於此起倉廩因名

桐廬縣西古城吳廣武四年築今有故址在焉

餘姚有虞國宅國爲日南太守愛民及物出則雙雁
隨軒秩滿還去雁與俱至其卒也棲於墓木去後人
名其水曰雁池

昌山舊名傷山晉永嘉四年羅子魯於山峽堰爲陂
灌田四百頃

會稽山秦始皇刻石前有方石廣數丈爲始皇坐石
其傍八石爲丞相以下坐石

饒湖古稱南湖縈帶部郭連屬峰岫白水翠巖互相
映發

汝南人性清和鄉閭孝友男務墾闢女修織衽士風
習尚文質彬彬蓋歐陽父子棠陰相映也

秦望山秦始皇登此欲渡會稽改名

丹陽有石羊巷劉備與孫權同獵因醉各據一石後
人遂以名巷

無錫縣有范蠡城越伐吳時范蠡所築

浮陽有大漣淀魏延興初水溢注破作青村因以爲
池名作青池

鹽山縣有卯令城秦始皇遣徐福發童男女千人至

海求蓬萊仙因築此城僑居童男女號卅兮城一名

千童城並一統志

房子國楚靈滅之遷房於楚夫概奔楚封之因曰吳

房元濟平因曰遂平吳報

江西廬山紫霄峰下有石室室中有禹刻篆文有好

事者縋入摹之凡七十餘字止有洪荒漾余乃攬六

字可辨餘叵識後復進尋已迷其處並路史

巴正有大屯戍魯肅守之今郡城魯公所築岳陽風土記

秦置海鹽縣王莽改爲展武縣縣陷爲湖湖中小山

生枯樹因以爲名又秦時有女入湖爲神卽此祠也

閒窻括異錄

郭弘嘗夏至於射的山釣魚供母將餌聞笳角聲魚

躍而出

天景晴明登北固山見廣陵城如在青雲中此二條補入御覽

覽

天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天
天	天	天	天	天	天	天

叙錄

隋區宇圖志一百二十九卷

唐志虞茂區宇圖一百二十八卷

大業拾遺錄曰大業之初勅內史舍人竇威起居舍人崔祖濟及龍川贊治侯偉等三十餘人撰區宇圖志一部五百餘卷新成奏之又著丹陽郡風俗乃見以吳人爲東夷度越禮義及屬辭比事全失修撰之意帝不悅遣內史舍人柳陸宣敕責威等云昔漢末三方鼎立大吳之國以稱人物故晉武帝云江東之有吳會猶江西之有汝潁衣冠人

物千載一時及永嘉之末華夏衣纓盡過江表此
乃天下之名都自陳平之後碩學通儒文人才子
莫非彼至爾等著其風俗乃爲東夷之人度越禮
義於爾等可乎然於著述之體又無序次各賜杖
一頓卽日敕追秘書學士十八人修十郡志內史
侍郎虞世基總檢於是世基先命學士各序一郡
風俗奏擬請體式學士著作佐郎虞緝序京兆郡
風俗學士宣惠尉陵敬序河南郡風俗學士宣德
郎杜寶序吳郡風俗袁朗序蜀郡風俗四人先成

以簡世基世基曰虞綽序京兆文理俱贍優博有
餘然非衆人之所能繼陵敬論河南雖文華才富
序事過繁袁朗杜寶吳蜀二序不畧不繁文理相
副宜具狀以四序奏聞去取聽敕及奏帝曰學士
修書頗得人意各賜物二十段付世基擇善用之
世基乃鈔吳郡序付諸頭以爲體式及圖志第一
副本新成八百卷奏之帝以部秩太少更遣子細
重修成一千二百卷卷頭有圖別造新樣紙卷長
二尺叙山川則卷首有山水圖叙郡邑則卷首有

郡邑圖叙城隍則卷首有城隍公館圖其圖上山水城邑題書及細字並用歐陽肅書即率更令詢之長子工於草隸為時所重

按此圖志與圖經俱作於隋煬帝大業初此書在當時尤見貴重必頒布中外以廣流傳而唐宋時人書絕少稱引故僅鈔出御覽三條寰宇記三條

字事世榮竟四林實吳置一京不器不於文賦財
銷然非散人女西流錄刻坊館所南縣大華木官
心曾世基其其日與麻口家此女股好認對前書

虞茂隋區宇圖志

金谿王 謨仁甫輯

石井崗山有井光武營中所鑿傍有聚荆棘生皆蟠縈如人手結云是光武繫馬處

石勒時天旱沙門佛圖澄於此崗掘得一死龍長尺餘濟以水良久乃蘇尋祭之龍騰空而上天雨即降

因名龍崗

周太祖諱黑因改黑山為青山也並御覽


武城縣夏禹七代孫芸路史國名紀引作芒按史記夏本紀夏禹傳七世至帝芒

當從路封公子武於此建國後漢光武帝封濟南安
史作芒封公子武於此建國後漢光武帝封濟南安
王德為武成侯前秦苻堅封長子為清河王移居武
成即此城也

龍崗縣有白雞城板築之所望其上有白雞捕則無
所見因以為名今俗說白圭城也

並寰宇記

水滸云只



叙錄

隋志郎蔚之撰隋諸州圖經集一百卷

唐志同

隋書本傳曰郎茂字蔚之恒山新市人也父基齊
潁川太守茂少敏慧七歲誦騷雅日千餘言十五
師事國子博士河間權會受詩易三禮及元象刑
名之學又就國子助教長樂張率禮受三傳羣言
至忘寢食家人恐茂成病恒節其燈燭及長稱
學者頗解屬文奉詔於秘書省刊定載籍後仕隋
歷官太常少卿拜尚書左丞參掌選事撰州郡圖

經一百卷奏之賜帛三百段以書付秘府以年老上表乞骸骨不許坐事除名爲民

按隋志蔚之撰諸州圖經集本傳云撰州郡圖經唐志又作圖經集記實祇一書要當以州郡圖經稱名爲正蓋自隋文帝受周禪至開皇三年罷天下郡其縣乃隸州而已九年平陳已後四海一家大業三年罷州爲郡四年大簿凡郡國一百八十三而圖經於是乎作故得兼舉州郡爲名凡舉郡必先舉州如言洪州豫章郡江州尋陽郡類是也

然其書已散軼卽唐世諸類書未見稱引今並鈔出御覽一百二十條寰宇記一百二十八條廣記九條事文類聚一條



郎蔚之隋州郡圖經

羅田黎世序湛溪參

金谿王 謨仁甫輯

浚儀有高陽故城顓頊高陽氏佐少昊有功封於此
城又有信陵亭在城內卽魏國公子無忌勝築之地
鞏在洛水之間鞏固也言四面有山可以鞏固也
梁王有修竹園園中竹木天下之選集諸方遊士各
爲賦故館有鄒枚之號又有鴈鷺池周迴四里亦梁
王所鑿又有清冷池有釣臺故謂之清冷臺

春秋時爲沈蔡二國之地後爲楚魏二國之境秦兼天下以其地爲三川漢爲汝南郡

東阿春秋時齊之阿地也

少昊之代爽鳩氏虞夏則有季荊湯逢公伯陵殷

末有蒲姑皆爲諸侯國於此地周成王時蒲姑與四國作亂成王滅之以封太公

長山縣本漢於陵縣也隋改焉以界內長白山爲名孟州河陽郡禹貢冀豫二州之境則武王伐紂會孟津是也周爲畿內蘇忿生之邑後爲晉邑

安陽紂都也在淇洹二水之間本殷墟所謂比冢是也

邯鄲單蓋也邯山名謂邯山之盡所也

安喜縣卽古奴盧縣也有黑水故池深而不流俗謂黑山水流爲盧不流爲奴

涇邑縣本七國時中山國之苦涇縣也

北平縣本秦曲逆縣之地屬中山國

清苑縣本漢樂鄉縣也

武清縣本漢之雍奴縣也

涿州涿郡古涿鹿之地舜十二州爲幽州地禹貢爲冀州之域春秋戰國爲燕國之涿邑漢高帝置涿郡
薊州魚陽郡禹貢冀州之域春秋及戰國時屬燕秦地於此置魚陽郡一漢因之

漁陽縣本漢無終子國也有無終山城

渤海濱滄州之地屬趙分居多

清河縣秦爲歷縣漢爲信城縣

晉穆侯遷都於絳曾孫孝侯改絳爲翼翼爲晉之舊都後獻公復爲絳絳在今曲沃故城一里有絳邑故

城是故絳在翼城東南有故翼城是也

聞喜縣有董澤左傳曰董澤之蒲可勝既乎

後周建德七年於襄垣縣立潞州以其浸汾潞爲名

遼州樂平郡禹貢冀州之域春秋時其地屬晉戰國

屬韓後屬趙秦漢爲上黨郡貞觀中避諱改爲儀州

後又爲箕州復爲遼州

隰州大寧郡夏殷已前其地與箕沁同在周爲晉之

北鄙

周宣政二年被陳將吳明徹遷其人於靈州江左之

人崇禮好學習俗皆化因謂之塞北江南

晉安郡禹貢梁州之域秦之蜀郡漢屬廣漢郡之梓

潼縣

漢州德陽縣土地同益州秦屬蜀郡漢屬廣漢郡後

漢因之兼置益州領郡十一

翼州臨翼郡秦之土地與益州同漢屬蜀郡本漢之

蠶陵也

唐顯慶二年割當州三十里左封縣界內有悉唐川

因名為唐州

靜州靜川郡土地與唐當州同唐永徽四年置靜州

與唐縣以隸夷落

拓州蓬山郡土地與當州同唐顯慶二年置州取其

拓封疆為郡之名

恭化郡北接上蕃土地與當州同唐顯慶中置恭州

取恭慕王化為名

武德中苟羌首領以地內附國於羌故城維州以領

之

奉州云山郡本蠻夷之地南接上蕃為夷之塞武德

中羗夷內附立奉州取其順王命爲名

黎州洪源郡漢爲沉黎郡宋齊以來並爲沉黎郡後

州破羗夷立黎州

郡有甘松嶺因以爲名郡

監利縣漢容縣乾溪章華臺在焉

合州巴川郡秦漢屬巴郡宋置東宕渠郡西魏置合

州

閬州閬中郡禹貢梁州之域春秋爲巴國之地秦漢

爲巴郡

梁州漢中郡春秋至戰國楚地秦漢爲漢中郡

西魏改爲通州以其居四達之路故以爲名

界內有零溪水卽以爲名隋開皇十八年改零陽爲

慈利縣

菊潭以界內菊潭水以名縣

穀城縣有鄼城漢志曰卽蕭何所封也

江陽郡本漢江都縣也以在江之北故曰江陽

寶應縣本安宜縣卽漢之平安縣地屬廣陵郡

桐城春秋時桐國也亦漢從陽縣

定城縣春秋黃子國也

昇州古揚州之地也春秋時爲吳地戰國時越滅吳爲越地後楚滅越其地又屬楚初置金陵邑秦併天下改金陵爲秣陵屬鄣郡漢元封二年改鄣郡爲丹陽郡

金陵有古治城本吳鑄冶之地也

南陵縣有赭圻屯在縣西北

池州池陽郡禹貢揚州之域春秋及秦漢爲鄣郡之地吳爲石城縣隋爲秋浦縣唐武德中置池州

其地因山爲壘綠江爲境爾雅曰邱絕高曰京因謂之京口

丹陽本漢曲阿縣也

唐垂拱四年立金山縣後改名金壇取邑界句曲之山金壇之陵以爲號

昔有讖述其地云無錫寧天下平有錫兵天下爭故名之

華亭縣本嘉興縣地天寶十年置因華亭谷爲名
隋置睦州取俗阜人和內外輯睦爲義

以山川蘊物瑰奇故名饒

唐上元元年正月江淮轉運使元載以此邑川原蔓
遠關防襟帶宜置州治可賜名信州以信美所稱爲
郡之名

隋平陳改廬陵郡置吉州以吉陽山爲郡名

贛縣章貢二水雙流置縣合爲贛水其間置邑因以
名縣

晉尙書陸邁梁尙書郎江淹皆爲吳興令按淹自序
云吳興地在東南嶠外閩越之舊境是也

梁永聖二年封蕭基爲長樂侯於此

鄮縣有甬東及句章故城

縉雲郡古縉雲之墟也秦爲會稽郡地漢初爲東甌
地後以爲回浦縣光武更名章安晉分爲永嘉郡
麗水縣有惡道惡道有笑星灘謝靈運與弟書曰聞
惡道溪中九十九里有五十五灘

永嘉縣漢治縣之地後漢改爲章安縣

茶陵縣者所謂陵谷生茶茗者也

昔舜封象有庠國卽其地

臣附歷代特險不分隋大業七年始招慰置綏陽縣屬明陽郡唐武德四年置夷州

邕州人俗恹嗇流薄內險外養椎髻跣足以尙鷄卜

卯卜

嚴州門有長河水深入十丈從特物流下

笄頭山在涇陽西禹貢涇水所出

大伾山按書云至于大伾又名青檀山今名黎陽東

山

在八山谷名山陽三山或云紂殺比于於此山因得

名古凡伯國之地也

失山去萬谷根山二十里頭上有石墟魏大武避暑

之所羊腸坂在焉

嬰山爲并州之主

牢山在太原縣東北

西河謁泉山一名隱泉山有石室子夏退居之所

史記

正義引隋圖集記云此爲子夏石室退老西河居此有卜商神祠今見在

河東都三山卽舜所耕歷山也禹貢所謂壺口雷首至于大岳壺口山在慈州大岳在晉州雷首在河東

界此山有九名謂歷山首山薄山襄山耳棗山渠猪
山獨頭山隔山等之名又湯伐桀升自隔之所雷首
稷山在絳郡后稷播百穀於此山亦左氏傳謂晉侯
治兵於稷以畧狄土是此也
霍山在洪銅縣東北霍水出焉
平山在平陽一名壺口山尚書謂壺口治梁及岐卽
此地也今名姑射山在縣西平水出其下
皋山今名抱犢山四面危絕山頂有二泉後魏葛榮
亂百姓抱犢上山因以名之也

房山嶺上有王母祠甚靈俗號爲王母山
韓信山圓峻呼爲韓信臺又呼爲上門口西入井陘
卽大原路是也北又有韓信城信破趙駐軍於此處
焉

湯山後側巖有石室一戶無塵穢俗號曰聖人室下
經銅烏廟有碑題云漳河神壇是也
雷公山耆老傳曰魏時黑山羣盜張燕等不立君長
直以名號爲稱多髯者謂之叛公大聲者謂之雷公
時雷公賊保此山因以爲名

鼓山亦名塗山

隆慮山一名林慮蓋隋縣西二十里山有三峯南第一峯名仙人樓高五十丈下有黃花谷北巖出瀑布水注咸池黃花谷西北有洞穴去地十餘仞下有小山孤竦謂之玉女巖高九百丈其山北一峯名舉峯其地有偏橋卽抱犢山也南接太行北連恒岳鮮卑山在柳城縣東南

鳴鷄山在懷戎縣東北本名磨笄山昔趙襄子殺代王其夫人曰代以亡矣吾將何歸遂磨笄於山而自

殺代人憐之爲立祠因以名其山爲磨笄山每夜有野鷄羣鳴於祠屋上故亦謂鳴鷄山
飛龍山又名封龍山

無終山一名步陰山又名翁同山

燕山在易縣東南七十里巖側有石鼓去地百餘丈望之若數百石因左右梁貫之鼓東南有石人援之狀同擊勢云燕山石鼓鳴則兵

龍山在易縣西南三十里有龍山石上往往有仙人及龍跡西鬱谷有一地大如車輪春則風出東夏出

南秋出西冬出北有沙門法猛以夏日入其東穴見石堂石人欲窮諸穴便有一人厲聲云法師有滯三穴皆如東者不宜仍來見穢猛仍意不息不覺忽在穴外也西鬱谷有一地寰宇記引作四麓各有一洞有滯二字引作其餘孔山有孔表裏通徹故名耳

歷陵縣西十里有石子崗寶山也而高大有冢如硯子世謂之硯子冢是趙簡子冢也石虎令人發之初得炭深一丈得連木木厚高八尺次得流泉水水色青冷非常以牛皮爲囊作絞車以汲之一月而水無

極乃止築城繞之氣樓闕

清淇西自魏郡朝歌縣界分爲二派一在郡東一在郡西俱南流入河按酈元注水經云淇水南與清水合而入白溝石會宿胥皆瀆之名淇又一名王莽河王莽時所穿也

黃花水出隆慮縣西北崖上高十七里去地七里懸水東南注壑巖下狀若雞翅俗謂之雞翅蓋天台赤城之流也至谷潛入地下十里復出名曰柳水者是黃花水重源發也其谷號爲黃花谷內有仙母冢谷

西有洞穴謂之聖人窟

洹水出隆慮縣西北俗謂安陽河卽聲伯夢涉之所源出林慮山東平地

滹沱在深澤縣界光武爲赤眉所追至滹沱河欲渡導吏還乃言水深無船左右懼上使王霸視之霸恐驚衆乃言水堅可渡比至河水亦合以布囊沙水上乃渡未畢數騎水解今名其處爲危渡口是也魏改曰清寧河此水恒有蛟入五月恒暴變爲人於岸上與人並行至懸岸處推人與之俱下

渾發水今俗亦名妬女泉大如車輪水色青碧百姓祀之婦人不得艷衣新綵臨之必輿雨雹故云妬女卽介子推妹也

漢水逕琵琶谷至滄浪洲洲卽漁父掉歌處庾仲雍記云謂之千齡洲

大陸大鹿大河卽一澤而異名也

并州其氣勇抗誠信韓趙魏謂之三晉剽悍盜賊常爲他郡劇

義州蓋春秋時白翟也其俗語云丹州白窟卽白翟

語訛耳

大業十六年自江都還洛陽勅於汾州北臨汾水起汾陽宮卽管涔山汾河源所出之處當盛暑之時臨河盥漱卽涼風凜然如八九月其地多雨經夏罕有晴日一日之中倏忽而雨倏忽而晴晴雨未曾經日雖高嶺千仞嶺上居人掘地深二三尺卽得清泉用之

常山縣中山城西北隅有一大井俗名趙母井昔云醇耐千日卽是此井所醞後以石蓋之人不敢開刺

史博陵王濟欲開之卽有雲霧隱蔽懼不敢開

史記謂梁孝王築東苑方三百里是曰兔園

司竹園在盩厔縣東十二里穆天子西往至元池乃

植竹卽此是也

並御覽

琵琶溝在開封縣南形似琵琶故名

牛頭城在扶樂縣西二十里

淮陽郡圖

五梁溝在縣西南十里從西華縣界洧水出東流入

谷故老傳云此溝有五渡橋因名焉

公路臺東有袁術廟

棗邛在商水縣東北三十里其原邛塘多生棗棘因以名焉

灌溉城在商水縣東北二十里鄧艾所築也

叢臺在商水縣北二十五里楚王遊觀弋釣地或稅

駕於此往往有嘉禾叢生因以為名

陳州舊圖

光武臺在南頓縣北四十里漢光武十九年幸南頓

因置此臺兼立廟

閻倉城在扶溝縣西南五十里

蓼堤西自汴州杞縣入至宋州城東分為三道中蓼

堤比蓼堤是也

下邳縣劉綱祠前有皂樹高十丈

涓涓水在湖陸城東西南注泗或云吳王夫差伐齊

掘溝商魯之間也

齊桓公冢在齊城南二十里鼎足山上因山為墳東

有女水或云齊桓公女冢在其上東北流至安平城

伏流十五里然後更流注北陽水也

膠水出瑯琊五登山水色如膠北流三百里入海

胸山在縣南二里秦始皇巡至胸山界

庫碣川在宜川縣西北川南是漢川北是胡胡漢之人於川內共結香火故撰香火爲庫碣因此爲名
宏靜縣本漢城居河外三里乃舊薄骨律鎮倉城也
後魏立宏靜鎮徙關東流人以充屯田隋立爲縣
晉澤在縣西南六里
平晉縣風伯雨師二祠晉劉琨所立
治嶺上有泉名曰一升泉旱無增減
壽陽縣故大陵城卽趙武靈王遊大陵夢處女鼓琴而歌處

鷺嶺嶺多鷺故名在壽陽西二十里

靜樂縣長城因古跡修築起合河縣北四十里東經

幽州延袤千里

蔚汾水與黃河合故曰合河在縣城下

困悶城在平城縣南十五里趙簡子至此病篤遂築此城

上黨南陽古以爲縣實都也秦并天下置郡以此爲上黨郡楚漢之際魏豹盡有其地豹滅入漢分爲河東太原上黨三郡高后封惠帝子武爲壺關侯卽其

地也

永樂郎山漢武戾太子以巫蠱事出葬其子遁於此山因名郎山君祠下有郎山君之次子觸岸將軍廟昆吾亭在安邑縣西南十里爲夏方伯助桀拒湯湯師先伐昆吾然後伐桀以乙卯日與桀同誅桐鄉故城在聞喜縣西南八里俗以此城爲伊尹放太甲於桐宮之所

雁門邑地井泉鹹苦民皆遠汲魏牽招爲郡鑿原爲渠注水城內迄今民賴其益十里

雁門縣有棗戶城初築此城以地多棗樹爲名土人

云此棗多輸北京

乙速孤代郡之浸名也源出馬邑郡南

童子谷在交城縣東六十三里齊天保七年有童子數人牧放見山上巨石遂發心見佛像高一百一十尺

磨笄山趙襄子登之以觀代國一號看山

天門山今謂之百家巖在修武縣西北三十七里有劉伶醒酒臺孫登長嘯臺阮氏竹林嵇康淬劍池並

在寺之左右
博固城或謂之布鼓城石勒時築在大河之西
聊城縣有郭城卽亡國郭氏之墟
曹洪宅南有景穆寺西有石寶橋
西河卅子夏田子方段干木所遊之處以趙魏多儒
學齊魯及鄒皆謂此爲西河非龍門之西河也
黃衣水經野馬岡東南流注萬安渠入鷓鴣波
西門豹祠在鄴縣東南七里北臨太平渠
蕩陰縣有防城紂囚文王於羑里築此城以防之因

曰防城

林慮縣王津有王母廟每春二月桃花盛發籠冠於
廟宇

滏口山出磁石本草云磁石鐵之雌

臨水縣九侯城卽司馬彪注云鄴西有九侯城蓋鬼
侯國九一作鬼

東魏二城在滏陽縣東卽武成西北大岡高齊天保
末誅諸元子孫欲平元氏之陵壓殺數十人遂止
峽安冢在魏陵東三里安死後鬼每語其子逸云吾

家近武帝陵見攻伐逸等卽以碑碣勒石謝乃止
晉惠帝敗於蕩陰之歲烏桓鮮卑掠鄴城婦女悉沉
於洛水卽此河也
趙武靈王登靈山因以石鑿人馬之形其下有井以
石覆之俗呼爲靈井
今趙氏數百家每有祭祀設別位以祭公孫杵臼程
嬰二氏歷代相傳號曰祀客
臨洛紫山春夏有紫氣蒼鬱山下有石石上葛蒲一
寸九節巖間有紫石英

葛孽故城俗呼葛鵝城趙武靈王夫人所築一名夫
人城

清河縣末桎城卽十六國時六眷之弟末桎自據遼
西與石勒相持因築此城號曰末桎城

鉅鹿縣唐開元六年於此置鉅鹿縣屬趙州遙取漢

鉅鹿縣以爲名也

隋圖經
集記

高邑縣房子城出白土細滑膏潤可以塗飾兼用濯
錦可致鮮潔一名赤石岡

贊皇縣孔子嶺有石室寬博其下有石相拒狀若楹

在時人謂之三梁九柱之室室內石人象類執卷故號孔子嶺

槐水出贊皇山一名渡水亦曰濟水去縣南十里此自別是一濟卽詩云出宿于涉非四瀆也

大陸縣有堯臺高與縣城等今置樓其上世謂堯禪舜處

大茂山恒山之異名也山南俗謂之太白山

真定縣飛彭城黃岸水經其內

鹿泉縣有大翻山昔有二書生得道化爲二鶴冲天

隳二翻於此山故得名

行唐縣滋水經其境又鹿水東入謂之本刀溝經石

瞳山

九門縣有抱犢山在新市城西通藺相如故宅故屈

而避之

中山城在廣昌縣東北三十一里中山故城是也至

景帝改爲中山國後漢因之魏晉不改後燕慕容垂

都之仍置尹焉

中山有趙惠文王陵漢中山懷王陵簡王哀王順王

夷王等陵也

文王與武王中山之陵也中山之陵在王真王真王真王

唐河即滹河符秦建元元年高岸崩頽若城角下有

大積木交橫如梁柱莫知所來

北平縣本秦曲逆縣地屬中山國漢高祖北征還至

此大會酒酣嘆曰吾周行天下多矣唯見此與洛陽

因封陳平於此

新樂縣黃山有細要白石可為器物土人工之

觀津東南三里青冢高三十餘丈周迴千步漢文帝

竇后父少翁遭秦之亂隱身漁釣墜淵而死景帝即

位太后遣使者於墜所起大墳號曰竇氏青山在觀

津城南

南宮屬信都國光武自薊南馳至南宮界遇大風雨

引車入道旁客舍馮異抱薪鄧禹燃火對竈燎衣而

去即此地

棗強縣城北一古臺傳為太公賣漿臺

白馬故溝魏白馬王彪鑿武強淵邑人過有一蛇疑

其靈持而養之名曰擔生長而吞噬人里中患之遂

捕繫獄擔生負而奔邑因淪為湖縣長及吏咸為魚

矣今縣治東北半里許落水淵水又東南結爲湖又謂之郎君淵者宿又言縣淪之處其子東奔又陷於此故淵有郎之自

河間東武垣城卽武帝元封元年巡狩至此望氣者言有異女使訪之得趙氏女兩手拳上自披之卽舒因築此城以爲禁衛今縣西南樓上有夫人神卽鈞弋遺像也

後漢光祿大夫劉儵與竇武謀誅宦官爲曹節等所害三女營葬於此故曰三女陵

欵起家濶百餘步長六七里深數丈云晉永嘉四年十月晝昏十日方解豕忽然具成左右方一里牛成疲汗車皆有土而無轍

王尊冢原在武垣縣城東北隅爲東郡太守卒其柩一夜自歸今猶祀之呼爲東郡阿翁歸

文安狐狸淀俗謂之掘鯉淀非君子淀君子淀在博

野外

漢武帝時趙夔爲文安縣令好神仙值文安大旱乃自焚身土人感慕因立祠焉

後魏孝昌三年葛榮畧取其地對東光築城以據之

為西光城隋圖經集記

薊縣笄頭山有溫泉可治百病

干延水經馬城高柳俗謂為河頭又東經大甯郡北

注雁門水

雁門水出雁門山又北入陽門水

神泉水世謂之比連水東北流注陽門水一名託台

水

灤水即桑乾河也至馬陘山為落馬洪出山謂之清

泉河俗謂之曰于水非也至雍奴入笥溝俗謂之合

口

防水在良鄉縣界有石穴東北洞開春秋有白魚珍

美非常味東經羊頭阜俗謂之為羊頭溪

七度水在昌平縣界接虎眼泉諺曰高粱無上源清

泉無下尾蓋以高粱微涓淺薄裁足津通憑藉涓流

方成川明清泉至潞所在支分更為微津散漫難尋

故也

昌平縣有芹城

漁陽有北平故城卽漢將軍李廣爲郡守出獵遇草中石謂是伏虎引弓射之沒鏃卽此處

盧龍縣卑耳溪齊桓公北征狐竹未至卑耳之溪見一人長尺而人物具焉冠左袂衣走馬疾前管仲曰登山之神有俞見霸王之君興則登山之神見焉走馬前導也袂衣示前有水也左袂衣示從右方涉也至卑耳之溪有贊水者曰從左方涉其深及冠右方涉其深及膝已涉桓公拜曰仲父之聖至此孤竹城漢靈帝遼西太守廉翊夢人謂已曰予孤竹

君之子伯夷之弟遼海漂吾棺槨聞吾君仁善願見藏覆明日視之見浮棺於水上乃改葬焉吏人嗤笑者皆無疾而死今改葬所現存祠在山下極巖

開皇初徙元州於漁陽今漁陽郡是也

仁壽三年分九隴■孝水三縣爲濛州元武綿竹金永飛鸞四縣爲凱州陽安平泉二縣及資州資陽爲簡州煬帝大業二年並廢省來屬益州

平羗化山在夾江縣西十里天下二十四化此其一也道士常正一得道此山丹竈履跡猶存

百丈縣有一穴口方圓一百尺深百丈卽漢王陽爲益州刺史行部至此興嘆因之棄官

氏陌山在普城縣西三十五里晉太康中關下離亂武都氏人流移入蜀耕耘鑿墾此山成陌因名氏陌山

飛泉山在仁壽縣東二里舊名東嶠隋仁壽元年獠反百姓城於山嶺避難遂有飛泉湧出獠平泉涸因呼爲飛泉山

麗甘山在仁壽縣東二十里昔有十二玉女於此山

汲鹹泉煎鹽以玉女美麗其鹽味甘爲名今竈跡猶存

昔楚威王見此有王氣因埋金以鎮之故曰金陵秦并天下望氣者言江東有天子氣鑿地脈斷連岡因改金陵爲秣陵屬丹陽郡

盧龍山在上元縣西北二十里晉元帝初渡江此盡爲虜寇所有以其山連石頭開鑿爲固故以盧龍爲名

句容縣經巖山上有龍坑卽湖神也本名赤山丹陽

之義出於此
吳興故鄣縣東三十里有梅溪山山根直豎一石可
高百丈至青而圓四面斗絕仰之於雲外無登陟之
理其復有盤石正圓如車蓋常轉如磨聲若風雨
土人號爲磨石石磨轉駛則年豐遲則歲歉候之無
失

燈壇山在臨海縣西六十里高一千二百丈有壇每
陰雨有火望之如燃

餘干山兩峯曲轉相向狀如羊角舊名羊角山

德興縣洪崖山故老相傳昔有洪崖先生居此山山
之陽有洪崖寺山中有洪崖壇每旱祈雨於此

落星山在廬山東周迴一百五十步高丈許昔有星

落水化爲石當彭蠡灣中俗呼落星灣

德化縣有甘泉山昔山嶺有船舵沿流而下土人異
之亦名爲舵下溪桓伊爲江州刺史嘗遣左右賫糧
尋山之輿至一處見大湖湖側有敗船

宮亭廟在江州南彭蠡湖側周武王十五年置能分
風擘流上下皆得舉帆

浪井漢高帝六年潁陰侯所開年深堙塞孫權經此
自標井地命使鑿之正得此井有石函其銘曰漢高
祖六年潁陰侯開又云不滿三百年當爲應運者所
開權見而悅以爲巳瑞江有風浪此井輒自漂動土
人呼爲浪井

壺頭山在崇陽山東北五十里漢伏波將軍征五溪
軍次下雋頓壺頭之灘時逢暑熱將士多死援遇病
遂穿崖岸爲室沒於此岸之室猶在因爲立祠
黔中是武陵郡酉陽地

江都縣蜀岡今禪智寺卽隋之故宮岡有茶園其茶
甘香味如蒙嶺

江都縣輿浦往來恒有淤濁及乎一朝清澈後漢太
守徐邈表以爲瑞

張公城漢末張嬰所築後因號張公城在江都縣西
四十里

斗米運水在含山縣西南八十里歷陽豪李子建當
隋末從杜伏威守城伏威分兵戍柵口欲開路運糧
以救軍食子建請於東關下開溝通黃路波入歷湖

率都下人各齎米一斗就工米盡逕成饋運無缺故謂之斗米逕

山陽縣南二十里有茶陂

合肥縣金牛山昔有金牛從此山出奔入江中故其

處亦渚猶謂金牛渚

壽春縣歡樂井本名義井三伏之日炎暑赫曦男女往來氣息短急望見義井則喜而行未至而憂既至而樂故號歡樂井

六安縣置縣處則古之六縣也

南陽縣有丁城宋元嘉中掠得武陽人萬戶遂於新城築丁城一名新城

南陽縣清水經獨山史定伯碑云瓜里津卽清水上三梁謂之瓜里

南陽有漢征南軍司張澹冢有碑刻其背文曰白椒之棺易朽之裳銅鐵不入凡器不藏嗟爾後人幸勿我傷至宋元嘉中有盜開其冢獲金銀器甚多垂簾皆金釘飾之

武當縣石階山一名華岳地肺一名肺山

南陽武當門有社柏樹大四十圍梁蕭欣爲守伐之
言有大蛇從樹腹中墜下粗數圍長三丈羣蛇數十
隨之入南山聲如風雨未伐樹曾見夢於欣不之信
後欣果死於治所

恨子山臨漢水山邊鑿石作六字皆方一尺四字猶
可識云元田中邛兩字不可識下有恨子冢爲水所
壞今成小洲亦爲恨子葬父之所

豐利丹水出丹漁夏至前十日夜伺之浮水有赤光
上照如火以網取之割其血以塗足可出行水上

竹山縣郭帶堵水水出漢江舟船往來商賈所湊

宕州禹貢梁州之域後爲宕昌羗所據周天和元年

改爲蕃置爲宕州隋爲宕昌郡

隋圖經
集記

羅洲在海口迴環三百里在陽江縣西海中有魚形
似鹿每五月五日夜悉登岸化爲鹿小於山鹿此山
內乃百姓魚鹽之地也

並寰
宇記

渝州仙池在州西南江津縣界岷江南岸其池周迴
二里水深入尺流入岷江古老傳者有仙人姓然名
獨角以其頭有角故表其名自揚州來居此池邊起

樓聚香草置樓下獨角忽登樓命僕夫燒其樓獨角
飛空而去因名仙池見有石岩一所向岷江而見在
渝州城灘在州西南三十里江津縣東北沿流入十
里岷江水中波浪沸騰乍停乍發多覆舟之患古老
傳昔有仙居和來爲巴州刺史過此灘舟翻溺水而
死和女與兄圖行女有兩兒方稚齒乃分金珠作二
錦囊纓致兒頸然後乘船至父沒處叫聲投水凡六
日與兄夢云二十一日與父俱出兄令人守之至期
果然俱浮江水而出今碑在城灘側

並渝州
圖經

陵州鹽井後漢仙者沛國張道陵之所開鑿周迴四
丈深四十尺置竈煮鹽一分入官二分入百姓家因

利所以聚人因人所以成邑萬歲通天二年右補闕

郭文簡奏賣水一日一夜得四十五萬貫百姓貪其

利人用失業井上又有王女廟

按寰宇記引此云張
道陵指陵上開鹽井

因此陵上有井各陵井
今井上有玉女廟甚靈

古老傳云此十二玉女嘗與

張道陵指地開井遂奉以爲神又俗稱井底有靈不
得以火投及穢污曾有汲水誤以火墜卽吼沸湧烟
氣衝上濺泥漂石甚爲可畏或云泉脈通東海時有

敗船木浮出

陵州圖經

歙州石鼓山有石如鼓形又有石人石驢俗傳石鼓鳴則驢鳴人哭而縣官不利後鑿破其鼓遂不復鳴

歙州圖經

古層冢在武陵縣北一十五里二百步周迴五十步高三丈亡其姓名古老相傳云昔有開者見銅人數十枚張目祖餞聞冢中擊鼓大叫竟不敢進後看冢土還合如故

朗州圖經

黎州聖鍾山古老傳此山有鍾聞其聲而形不見南

詔犯境鍾則預鳴唐天寶泰和咸通乾符之載羣蠻來寇皆有徵也昔有名僧講大業經論亦鍾震焉乾寧中刺史張惠安請問僧京師右街淨衆寺惠維講妙花蓮花經一遍此鍾頻鳴如人扣擊知向所傳者不謬矣

黎州漢源縣有旌節花去地二三尺行行皆如旌節

並黎州圖經

黎州通望縣有銷樟院在縣西一百步內有天王堂前古柏樹下有池池南有娑羅綿樹三四人連手

合抱方匝先生花而後生葉其花盛夏方開謝時不
背而墮宛轉至地其花藥有綿謂之娑羅棉善政鬱
茂■時枯凋古老相傳云是肉齒和尚住持之靈跡
也縣界有和尚山和尚廟皆肉齒也黎州通望
縣圖經
漢朱遵仕郡功曹公孫述僭號遵擁郡人不服述攻
之乃以兵拒述埋車絆馬而戰死光武追贈輔將軍
吳漢表爲置祠一日遵失首退至此地絆馬訖以手
摸頭始知失首於是土人感而義之乃爲置祠號爲
健兒廟後改勇士祠新津縣圖經○
上並太平廣記

高辛時蜀有蠶女不知姓氏父爲人所掠惟所乘馬
在女念父不食其母因誓於衆曰有得父還者以此
女嫁之馬聞其言驚躍振迅絕其拘絆而去數日父
乃乘馬而歸自此馬嘶鳴不肯齧母以誓衆之言告
父父曰誓於人不誓於馬安有人而偶非類乎能脫
我於難功亦大矣所誓之言不可行也馬跑父怒欲
殺之馬愈跑父射殺之曝其皮於庭皮蹶然而起卷
女飛去旬日皮復棲於桑上女化爲蠶食桑葉以絲
成繭以衣被於人間一日蠶女乘雲駕此馬侍衛數

十人謂父母曰太上以我身心不忘義授以九宮仙
嬪矣無復憶念也今冢在什邡綿竹德陽三縣界每
歲祈蠶者四方雲集蜀之風俗宮觀諸化塑女像披
馬皮謂之馬頭娘以祈蠶焉

蜀郡圖經
事文類聚

氏乘馬而歸

女獻文馬頭

并女念女不

高辛執圖前



